

INFORTIATVM  
S E V

PANDECTARVM IVRIS CIVILIS

Tomus Secundus.

CVM LECTIIONVM

FLORENTINARVM VARIETATIBVS,

diligentius quàm antea, in margine appositis.

*Ac post ACCVRSII Commentarios,*

CONTII Scholia, CVIACCI Paratitla, DVARENI, aliorumque  
Clarissimorum I. C. Additiones:

*Nunc recens LACOBII ANALLI de BOTTIS, ac AVGVSTINI CARAVITAE*

*Regiorum in Regno Neapolitano Consiliariorum.*

ANNOTATIONIBVS ILLVSTRATVS.

*Cum Privilegijs.*



VENETIIS, *Sub Signo Aquilæ renovantis.* MDCVI.

# CAPITVM ALIQVOT GRÆCÆ,

A MODESTINO IVRISCONSVLTO

CONSCRIPTORVM.

*Latina interpretatio ex Antonio Augustino  
Jurisconsulto clarissimo.*

Ex libro xxvj. Digestorum. Titu. ljj.

C A P. Praesidi, &c.



**V**T ne de iis quidem tutoribus, qui confirmari possunt, omitramus, de his etiam breuiter considerandum est. Sunt quidam, qui recte dantur testamento tutoris, hoc est & a quibus oportet, & quo oportet, & quo oportet modo, & ubi oportet. Nam pater filiis vel nepotibus, quos habet in potestate, recte dat tutorem, in testamento tamen. Si vero ea persona sit, quæ dare non potest, mater pater, vel patronus, vel extraneus quilibet, aut ei, cui datur, dari non possit, ut a patre filio, vel filio, qui non sunt in potestate, aut si scriptam sit, **ROGO TE, VT ILLAS RES CVRES**, aut codicillis non confirmatis tutor aut curator datus sit, constitutiones permiserunt, quod deest, consulari potestate suppleri, & tutores secundum testatoris voluntatem datos confirmari. Et si quidem pater erat, qui dedit, plerumque solet non inquirere Praesides, sed simpliciter confirmare: si vero alius, diligenter inquirat, an idoneus sit. Praeterea scire oportet curatorem testamento a patre quidem recte dari, sed datum confirmari a Praeside solere.

TIT. V. CAP. XXI.

*Εὐνοῦν, &c.*

**S**Cire oportet magistratus, non oportere curas minorum mulieribus committi. Si mater ea conditione scripserit filios heredes, si liberati fuerint parua potestate, liberatis his, & ob id heredibus, ipse pater curator creati, etiam si velit, non potest: ne alia via quam testatrix fieri noluit, fiat. & hoc ita a Diuo Severo constitutum. Sed & si quis a parentibus prohibeatur tutor esse, creandus non est; quod si fuerit creatus, neque se excusetur,

prohibendus est, existimatione quidem salua, tutelam gerere. Qui in Legatione sunt, non sunt a magistratibus tutores aut curatores creandi, nam dum Legatione funguntur, ad eos periculum non pertinet. Si provincialem hominem Legatum magistratus Romæ dederit tutorem, liberabitur. Inter cæteras causas magistratum oportet creando mores animaduertere. neque enim tam facultates aut dignitas aptæ sunt ad fidem ei habendam, quam vitæ institutum decens, & mores probi. Semper autem hoc maxime magistratus obseruent, ne creent eos qui se ingerunt, ut creentur, aut ob id pecuniam dant, quos pæne quoque obnoxios esse constitutum est.

TIT. V. CAP. XXII.

*Καὶ αἱ μαι, &c.*

**E**T qui non sunt Decuriones, Decurionum filiis tutores creantur, sicut & Decuriones ipsi, qui non sunt ex Decurionibus.

TIT. VI. CAP. II.

*Εὐνοῦν αἱ ἀπὸ τῶν, &c.*

**S**I minores non habeant legitimos defensores: si quidem tutoribus egeant ob impuberem aetatem, possunt cognatione, aut adfinitate propinquarentibus eorum masculis, aut foeminis petere, ut eis tutores constituantur. Possunt id quoque parentum amici & ipsorum puerorum educatores. Sed alii libera voluntate petunt, alii id facere coguntur in mater pater, & liberi. Namque illi, nisi legitimos liberis defensores petant, damno, si poena plectuntur. Etenim mater expellitur a legitima filii hereditate, tanquam indigna, ex eius bonis legitimam portionem consequi cui tutorem querere neglexerit. Neque solum si non petat, sed & si quæ petat defuntorie petat, ut potest eum, qui se potest excusare, vel eo postea aut excusato, aut reiecto alium non petat, vel de diti o perat malos petat. Liberti vero apud Praesidem ob hanc causam accusati grauius puniuntur, si id negligentia aut

